



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput IX. De fidei actu datur speciale præceptum, ratione sui pbligans,
non semel dumtaxat in vita, sed frequenter.

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

discere, vel memoriam retinere nequeant, neque ab ipsis exigenda notitia adeo clara & subtilis. Sufficit enim quod ea quoad substantiam sciant, modo suo rusticō & simplici, ut patet in Sanctulo, de quo D. Gregorius lib. 3. Dialog. c. 37. sic habet: *Scimus certe, quia venerabilis vir Sanctulus, Provincia Narica Presbyter, ipsa quoque elementa litterarum bene non noverat, legis praecepta nesciebat; sed quia plenitudo legis est charitas, legem totam in Dei ac proximi dilectione servavit, & quod foris in cognitione non noverrat, et intus vivebat in amore.*

CAPUT IX.

De fidei actū datur speciale præceptum, ratione sui obligans, non semel dumtaxat in vita, sed frequenter.

134 **D**ux est præceptum fidei. Affirmati-
vum unum, præcipiens fidei actū,
iēu astenū. Negativum alterum, prohi-
bens dissentiri mysteriis fidei, vel de eorum
veritate dubitare. Dari negativum fidei præ-
ceptum, illudque semper & pro semper obli-
gare, nullus unquam dubitavit. Dari etiam
speciale præceptum affirmativum per se obli-
gans ad eliciendum fidei actū, Scriptura
clamat, *qui non crediderit, condemnabitur.*
Clamat quoque Ecclesia, quæ per Alexan-
drum VII. anno 1665. damnavit hanc pro-
positionem: *Homo nullo unquam tempore te-
neat elīcere aīlūm fidei, spei, & charitatis ex
vi præceptorum divinorum, ad eas virtutes per-
tinēnūm.* Et anno 1679. per Innocentium
XI. damnavit istam: *Fides non censeat cader-
re sub præceptū speciale, & secundūm se.*

135 Sed difficultas est in determinando tem-
pore, quo speciale fidei præceptum obli-
gat ad eliciendum fidei actū? Certum
quippe est non obligare ad illum semper
actū eliciendum: cū ob variis hujus vitæ
distractiones, hoc nobis impossibile sit.

136 Satis esse actū fidei semel in vita elice-
re, nonnulli docerunt. Sed hoc Innocentius
XI. damnavit propositione 17. Et me-
ritò damnavit: cū, iuxta utriusque Testa-
menti Scripturam, justus ex fide vivere
debeat. Semel autem fidei actū eliciuisse,
reliquum autem vita tempus aliis cogitationibus dare, non est ex fide vivere; sed
ad hoc necesse est fidei actū frequenter
elicere, frequentique illius exercitio, secun-
dum fidei veritates, vitam suam compone-
re. Idipsum ratio suadet: quia fideis homini-
nis vita christiana potissimum consistit in
actibus fidei, spei, & charitatis.

137 Frequenter itaque fidei actū eliciendus
est. Sed quando? 1°. cū primū adepto ra-
tionis uero, vel postea, fides sufficenter pro-
ponitur. Fides namque initium, & funda-
mentum est totius vitæ christianæ, quam
baptizatus quisque incipere tenetur, cū

primum rationis usum adipiscitur.

2°. in fine vitæ, seu præsenti mortis pe-
riculo: sicut enim tunc per se vigent præ-
cepta spei & charitatis, ita & fidei: & sicut
vir justus & fidelis vivere, sic mori debet
ex fide.

3°. quoties gravis contra fidem urget
tentatio, à qua seipsum non potest quis aliter
expedire.

4°. quoties lapsus est quis in hæresim,
vel aliam infidelitatem. Tenetur quippe in-
juriam primæ Veritati illatam, per contra-
rium actum resarcire.

5°. non est dubium, quin aliàs frequen- 138

ter obliget præceptum, etiam sub mortali.
Sub veniali vero, sicut debemus virtualiter
perpetuò adhærere Deo percharitatem (ge-
neraliter dictam) saltem imperfectam; ita
& per fidem, saltem imperfectam. Primo,
quia Habacuc indistinctè & doctrinaliter,
adèquè universaliter pronuntiat, & ex ipso
Apostolus frequenter inculcat, *justus in fide*
(Apostolus Rom. 1. dicit *ex fide*) *vivit,*
ex fide utique actuali vel virtuali: cū
enim vivere in actu secundo sit agere; vi-
vere ex fide, est agere ex fide. Secundo,
quia ibidem Apostolus Rom. 14. docet *om-
ne quod non est ex fide, peccatum esse.* Quem
locum licet Patres uno modo explicitent de
fide, prout idem est quod dictamen con-
scientiae: non unico tamen, nec solo illo
seniū sic explicant; verū etiam de fide
supernaturali, & Christiana, saltem inchoata,
prout ostendimus to. 1. Prolegom. 6.
cap. ult. Tertiò, quia sicut Christianus sem-
per vivere debet christiane & benè; sic
moralī quodam modo (virtualiter utique)
semper vivere debet ex fide. Teste namque
Augustino de fid. & oper. c. 23. adèquè in-
separabilis est bona vita à fide, quæ per di-
lectionem operatur, ut sine ea bona vita non
sit. Et sine fide opera undequaque bona à
nullo sunt homine. Quia (ut ait in prefat.
Psal. 31.) *bonum opus intentio facit, intentio
mem fides dirigit.* Quartò, tota vita hominis,
præsertim Christiani, perpetuus debet esse
cultus Dei: sine hoc enim nihil est omnis
homo, teste Bernardo. *Fide vero, spe, &
charitate Deum esse colendum docet Augustinus Enchirid. cap. 3.* Quintò, tota vita Chri-
stiani esse nequit christiana sine fide, modo
dicto virtualiter perpetua. Ut enim tota sit
christiana, tota esse debet evangelica, id est
tota dirigi per maximas Evangelii. Nequit
autem dirigi per maximas Evangelii, nisi
creditas. Deinde vita verè christiana, est quā
quis vivit Christo, ex Christo, & secun-
dum Christum. *Christo quidem, sive prop-
ter Christum: quia 2. Cor. 5. dicitur: Pro
omnibus mortuus est Christus, ut & qui vivunt,
jam non sibi vivant, sed ei qui pro ipsis mortuus
est.* Et Joan. 6. *Quis manducat me, & ipse vi-
vet propter me. Ex Christo verò: quia sunt
membra, & palmites Christi. Membra au-*

tem vivere debent ex capite, & palmites ex vite. Secundum Christum denique, intuendo feliciter, & imitando ipsum, sicut vita nostra exemplar, juxta illud: *Exemplum dedi vobis, ut quemadmodum ego feci, ita & vos faciatis.* Atqui tota vita sua Christianus nequit vivere Christo, ex Christo, secundum Christum, modo dicto, nisi tota vita vivat ex fide. Sexto oportet semper orare, *Luc. 18. & 1.* Theffalon. 5. oportet ergo semper credere, cum oratio esse nequeat absque fide. Nullus quippe ab eo petit salutem, quem non credit Salvatorem, nec ab eo bona postulat, à quo non credit bona illa procedere. Deinde orandum in nomine Christi, prout ipse iussit. *Joan. 16. & Ecclesia observat in fine Collectarum omnium, addendo per Dominum nostrum Jesum Christum.* Nec hoc etiam sit abique fide Christi. Et ideo Augustinus epist. 121. ad Probam, *in ipsa (inquit) fide, spe, & charitate, continuato desiderio, semper oramus.*

⁸⁸ 139 Septimò militia, id est continua pugna, est vita hominis super terram. Ideò Christiani jubentur in omnibus sumere scutum fidei, in quo possint omnia tela nequissimi ignea extinguiere, Ephes. 6. eidemque nequissimo adversario resistere fortes in fide, *1. Pet. 5.* Deinde tenemur semper bene vivere. Atqui inseparabilis est bona vita à fide, qua per dilectionem operatur; immo vero ea ipsa est bona vita. Augustinus de fid. & oper. c. 23. Hæc sunt argumenta, propter quæ Facultas Theologica Lovaniensis in doctrina sua Innocentio XI. representata, postquam de charitate dixit: *Continua virtualis dilectio versari debet circa Deum, &c. subjunxit: Par nobis obligatio est fidei, & spei: etiam per has obligamur divina Majestatis continuo, saltēm virtueller, adhaerere.* Continua vero fides ista virtualis explicanda est ad modum, quo continua dilectio virtualis. De qua, ubi de charitate.

CAPUT X.

Sufficiens fidei propositio requiritur ad obligationem credendi, utpote necessaria ad prudentem assensum.

¹⁴⁰ NUm. 137. diximus fidei actum esse sub obligatione, cùm primum adepto rationis usu, vel postea, fides est sufficiens proposita. Et ratio est, quia nullus teneatur credere, nisi prudenter possit. Prudenter autem credere nemo potest, quamdiu fides ipsi non proponitur, nisi leviter & insufficienter. Quisquis enim credit absque sufficiens propositione credendorum, citò & leviter credit, per consequens est levis corde, juxta illud Eccli. 19. *Qui cito credit, levius est corde.*

¹⁴¹ Ideò antequam definiamus momentosam questionem, quando fides censenda sit suffi-

cienter proposita, necesse est ut explicemus ea quæ generatim requiruntur ad prudentem assensum, qui præbetur propter autoritatem, five hominis, five Dei.

§. I.

Explicantur generatim requista ad prudentem assensum, qui præbetur propter autoritatem hominis.

¹⁴² R Equisita illa sunt quinque. Primum est ut homo, cui assensum præbemus, sit verax, idèo fide dignus. Taliter utique verax, ut ob sinceritatem fallere nolit eos, quibus aliquid asserit, nec facile finat se falli ab aliis: ne deceptus ipse, alios facile decipiatur. Neque enim fides prudenter adhibetur illis hominibus, qui vel facile mentiuntur, vel nimis facile credendo, facile decipiuntur, deceptaque alios facile decipiunt. Quod si propter defectus istos, defectum utique sinceritatis, & mentiendi facilitatem, prudenter non creditur homini: multò minus dæmoni, in temptationibus aliqua suggerenti, vel etiam tempore exorcismorum in energumenis loquenti. Cùm enim dæmon sit mendacii pater, & capitalis hostis hominum, non querit nisi hominibus nocere. Periculorum proinde est ipsi credere: cùm veris sepe falsa misceat, vel nocia, ut falsa cum veris, malaque simul cum bonis facile admittantur.

Secundum requisitum est, ut sufficiens habeatur certitudo, quod id quod credendum proponitur, absolutè assertum fuerit ab homine illo, quem cognoscimus esse veracem: neque enim sufficit, quod asseruit tamquam sibi ab aliis narratum. Cùm hoc non sufficiat ad credendum illud esse verum, sed solum ad credendum tali homini veraci fuisse narratum.

Tertium est, ut secundum meritum & stimentur motiva, quæ probant hominem, qui asserit, esse veracem, ipsumque verè assertisse id quod credendum proponitur, nec habeatur authoritas, seu aliud argumentum, evincens falsitatem talis asserti, vel saltē pro parte enervans authoritatem assertentis, ut intelligatur in quo firmitatis gradu præberi queat assensus.

Quartum est integritas, seu bona dispositio voluntatis in credente, per quam excludatur omnis affectio vel inducens nimis precipitanter intellectum ad assensum, vel ab eo nimis retrahens. Quia experientia docet paucum contingere, ut nimis facile, & sine debita discussione credatur narrationibus hominum qui diliguntur, & tantò facilis, quanto amplius diliguntur. Et contra nimis facile rejiciatur tamquam falsum, vel tamquam male fundatum, id quod narratum cognoscitur ab iis quos non diligimus, sed averbamus.